



Liebe Kinder der Kindertagesstätte Eichgüetli. Wir vom Kita-Team vermissen euch. Vielen Kindern ist es zurzeit nicht möglich zu uns zu kommen. Darum kommen wir zu euch. Wir haben verschiedene Geschichten unserer lieben grauen Maus geschrieben und hoffen, dass ihr so immer wieder mal kurz gedanklich mit uns in der Kita seid. Wir wünschen euch und euren Eltern viel Spass beim Lesen.

Teil 1

Ig bi s' Müsli und wohne imne Hüsli. Es isch nid eifach es Huus. Nenei.
Es isch es ganz spezielles Huus. Kennsch es?



Normalerwys gö da hufe Chend i und
us. Aber jetzt isch es fast läär. Lueg
gsehsch mi? Ig luege grad zum
Fenster us.




I dere Kita gits viel z'erläbe und z'luege. Möchtisch mit mir mit cho?

Jupi sooo schön!



Als Muus hanis de cheibe gäbig, da bruchi
ned viel zum Läbe. Aber aubes hani ou
hunger und husche über d'Chällerstäge.

Jetzt no die grossi Türe uf und..... mmm schmöckt das fein. Gsehsch die rote Chugle davore?



Uj, nid!

A ups ig ha s'Liecht vergässe azünde. Jetzt aber sötsch mi gseh, wie ig grad es Loch i die Chugle knabere.



D'Fraue und d'Manne vo dr Kita hei aubes nid so Freud, wenn sie gseh, das i wider mal bi i Chäller gflitzt und ha ä Öpfel gstipitzt. Darum nüt wie use a dSonne.

Hinderem Huus da hets hufe Fahrzüg parkiert. Am liebschte fahri dür e Garte mit dem grosse, grüne Ding. Weisch du wie das heisst, woni da drufe hocke?



Ja genau, ufem Traktor.

Jetzt fahri es paar Rundine im Kitagarte und mälde mi de gli mau wider bi dir.

Pass uf di uf!

Bis gli, die grau Muus.

1. Teil geschrieben von Tanja